

*Čapljina, 04.05.2017. god.  
Broj: 286-1/17*

**ZAPISNIK I ZAKLJUČCI SA SEDAMNAESTE  
SJEDNICE PREDsjedništVA SKUPŠTINE SAVEZA OPĆINA I GRADOVA  
FEDERACIJE BOSNE I HERCEGOVINE**

Dana 04.05.2017. godine u Čapljini je održana Sedamnaesta sjednica Predsjedništva Skupštine Saveza općina i gradova Federacije Bosne i Hercegovine (u daljem tekstu: Predsjedništvo Saveza).

Sjednici Predsjedništva Saveza su prisustvovali: Zikrija Duraković, načelnik Općine Bužim, Ivan Vukadin, načelnik Općine Tomislavgrad, Ljubo Grizelj, načelnik Općine Grude, Sead Džafić, načelnik Općine Kalesija, Dr. Smiljan Vidić, načelnik Općine Čapljina i Mario Jurkić, načelnik Općine Domaljevac – Šamac.

Pored navedenih, sjednici su prisustvovali i: Dr. Nedim Memić, konsultant za javne finansije, Vesna Travljanin, direktor Saveza, Zlata Turkić, viši saradnik za rad sa skupštinskim komisijama i institucijama vlasti i Selma Fišek, viši saradnik za pravna pitanja.

Smiljan Vidić je u svojstvu predsjedavajućeg sjednice pozdravio sve prisutne, zahvalio se na odzivu i otvorio Sedamnaestu sjednicu Predsjedništva Saveza. Predložio je Dnevni red sjednice kako slijedi:

1. Zapisnik i zaključci sa Šesnaeste sjednice Predsjedništva Skupštine Saveza općina i gradova Federacije BiH
2. Usvajanje Dnevnog reda za Izbornu skupštinu Saveza općina i gradova Federacije Bosne i Hercegovine i utvrđivanje prijedloga dokumenata za sjednicu Skupštine Saveza
  - 2.1. Izvještaj o radu organa i tijela Skupštine Saveza općina i gradova Federacije BiH za period maj 2015. – decembar 2016. godina  
Izvjestilac: Vesna Travljanin, direktor Saveza
  - 2.2. Izvještaj o radu direktora Saveza općina i gradova Federacije BiH

Izjavitelj: Vesna Travljanin, direktor Saveza  
2.3. Prijedlog za izbor radnog Predsjedništva  
2.4. Prijedlog za izbor Verifikacione komisije

#### **Prijedlozi odluka o razrješenjima članova organa i tijela Saveza općina i gradova Federacije Bosne i Hercegovine:**

1. Odluka o razrješenju predsjedavajućeg Skupštine i zamjenika predsjedavajućeg Skupštine Saveza općina i gradova Federacije Bosne i Hercegovine
2. Odluka o razrješenju predsjednika, zamjenika predsjednika i članova Predsjedništva Skupštine Saveza općina i gradova Federacije Bosne i Hercegovine
3. Odluka o razrješenju predsjednika i članova Nadzornog odbora Saveza općina i gradova Federacije Bosne i Hercegovine
4. Odluka o razrješenju osobe ovlaštene za zastupanje i predstavljanje Saveza općina i gradova Federacije Bosne i Hercegovine
5. Odluka o razrješenju predsjednika, zamjenika predsjednika i članova Komisije za razvoj i unapređenje lokalne samouprave
6. Odluka o razrješenju predsjednika, zamjenika predsjednika i članova Komisije za ustavna i zakonodavna pitanja
7. Odluka o razrješenju predsjednika, zamjenika predsjednika i članova Komisije za prostorno uređenje, stambeno-komunalne djelatnosti i zaštitu životnog okoliša
8. Odluka o razrješenju predsjednika, zamjenika predsjednika i članova Komisije za međunarodne veze, saradnju i evropske integracije
9. Odluka o razrješenju predsjednika, zamjenika predsjednika i članova Komisije za ekonomski razvoj općina i gradova i finansije
10. Odluka o razrješenju predsjednika, zamjenika predsjednika i članova Komisije za izbor i imenovanja

#### **Prijedlozi odluka o imenovanjima članova u organe i tijela Saveza općina i gradova Federacije Bosne i Hercegovine:**

11. Odluka o izboru predsjedavajućeg Skupštine i zamjenika predsjedavajućeg Skupštine Saveza općina i gradova Federacije Bosne i Hercegovine
12. Odluka o izboru predsjednika, zamjenika predsjednika i članova Predsjedništva Skupštine Saveza općina i gradova Federacije Bosne i Hercegovine
13. Odluka o izboru predsjednika i članova Nadzornog odbora Saveza općina i gradova Federacije Bosne i Hercegovine
14. Odluka o obrazovanju Komisije za razvoj i unapređenje lokalne samouprave
15. Odluka o obrazovanju Komisije za ustavna i zakonodavna pitanja
16. Odluka o obrazovanju Komisije za prostorno uređenje, stambeno-komunalne djelatnosti i zaštitu životnog okoliša

17. Odluka o obrazovanju Komisije za međunarodne veze, saradnju i evropske integracije
18. Odluka o obrazovanju Komisije za ekonomski razvoj općina i gradova i finansije
19. Odluka o obrazovanju Komisije za izbor i imenovanja

3. Nacrt zakona o izmjeni Zakona o matičnim knjigama  
Izvjestilac: Selma Fišek, viši saradnik za pravna pitanja

4. Tekuća pitanja

Smiljan Vidić je pitao da li ima prijedloga za izmjene ili dopune Dnevnog reda.

Vesna Travljanin je predložila da se Dnevni red dopuni sa tačkom vezano za tužbu Saveza općina i gradova Federacije BiH protiv Federacije BiH. Naglasila je da je današnja sjednica Predsjedništva u funkciji pripreme Izborne skupštine Saveza, ali da je u skladu sa zaključkom sa prethodne sjednice Predsjedništva, potrebno uvrstiti i navedenu tačku.

Predloženi Dnevni red je jednoglasno usvojen uz dopunu da se pod tekuća pitanja uvrsti tačka vezano za tužbu Saveza općina i gradova Federacije BiH protiv Federacije BiH.

1. Zapisnik i zaključci sa Šesnaeste sjednice Predsjedništva Skupštine Saveza općina i gradova Federacije BiH

**Predsjedništvo Saveza je jednoglasno usvojilo Zapisnik i zaključke sa Šesnaeste sjednice Predsjedništva Skupštine Saveza općina i gradova Federacije BiH.**

2. Usvajanje Dnevnog reda za Izbornu skupštinu Saveza općina i gradova Federacije Bosne i Hercegovine i utvrđivanje prijedloga dokumenata za sjednicu Skupštine Saveza

**Predsjedništvo Saveza je jednoglasno usvojilo Dnevni red za Izbornu skupštinu Saveza općina i gradova Federacije Bosne i Hercegovine**

**2.1. Izvještaj o radu organa i tijela Skupštine Saveza općina i gradova Federacije BiH za period maj 2015. – decembar 2016. godina**

**2.2. Izvještaj o radu direktora Saveza općina i gradova Federacije BiH za period maj 2015.**

– decembar 2016. godina

Vesna Travljanin je izvijestila da su ovi materijali razmatrani i na prošloj sjednici Predsjedništva Saveza. Istakla je da bi na samoj sjednici Skupštine elaborirala ove izvještaje.

- **Predsjedništvo Saveza je prihvatilo Izvještaj o radu organa i tijela Skupštine Saveza općina i gradova Federacije BiH za period maj 2015. – decembar 2016. godina.**
- **Predsjedništvo Saveza je prihvatilo Izvještaj o radu direktora Saveza općina i gradova Federacije BiH za period maj 2015. – decembar 2016. godina.**

2.3. Prijedlog za izbor radnog Predsjedništva

2.4. Prijedlog za izbor Verifikacione komisije

Vesna Travljanin je iznijela prijedlog da radno Predsjedništvo na sjednici Izborne skupštine Saveza bude u sastavu: Smiljan Vidić, Vesna Travljanin i Nedžad Ajnadžić.

**Predsjedništvo Saveza je jednoglasno usvojilo da radno Predsjedništvo na sjednici Izborne skupštine Saveza čine: Smiljan Vidić, Vesna Travljanin i Nedžad Ajnadžić.**

Vesna Travljanin je iznijela prijedlog da Verifikaciona komisija na sjednici Izborne skupštine Saveza bude u sastavu: Mario Jurkić, predsjednik, Zikrija Duraković, član i Edin Delić, član.

**Predsjedništvo Saveza je jednoglasno usvojilo da Verifikacionu komisiju na sjednici Izborne skupštine Saveza čine: Mario Jurkić, predsjednik, Zikrija Duraković, član i Edin Delić, član.**

- **Prijedlozi odluka o razrješenjima članova organa i tijela Saveza općina i gradova Federacije Bosne i Hercegovine**

**Predsjedništvo Saveza je prihvatilo prijedloge odluka o razrješenjima članova organa i tijela Saveza općina i gradova Federacije Bosne i Hercegovine, a koje čine sastavni dio Zapisnika.**

- **Prijedlozi odluka o imenovanjima članova u organe i tijela Saveza općina i gradova Federacije Bosne i Hercegovine**

Vesna Travljanin je informisala članove Predsjedništva da je po zaključku sa Šesnaeste sjednice Predsjedništva obavila razgovore sa kandidatima za pozicije gdje je bilo predloženo više od jednog kandidata. Izvijestila je da je Jasmin Imamović, gradonačelnik Grada Tuzla, povukao kandidaturu za predsjedavajućeg Skupštine Saveza, tako da su ostala dva kandidata za tu poziciju i to: Admir Hadžiemrić, načelnik Općine Travnik i Faris Hasanbegović, načelnik Općine Sanski Most. Naglasila je da će se na sjednici Izborne skupštine odlučiti da li će se glasati javno ili tajno.

Vesna Travljanin je navela da su prijedlozi kandidata za poziciju predsjednika Predsjedništva Saveza Hamdo Ejubović, načelnik Općine Hadžići i Faris Hasanbegović, načelnik Općine Sanski Most.

Dalje je istakla da su za Nadzorni odbor predložena četiri kandidata (Armin Halitović, načelnik Općine Bosanska Krupa, Mladen Mišurić Ramljak, načelnik Općine Kiseljak, Đemal Memagić, načelnik Općine Olovo i Fadil Tatar, sekretar organa uprave u Općini Konjic), a da je jedan odustao (Nihad Omerović, načelnik Općine Srebrenik), s tim da Nadzorni odbor čine predsjednik i dva člana.

Smiljan Vidić je istakao da bi Mladen Mišurić Ramljak trebao biti izabran za člana Nadzornog odbora.

Ljubo Grizelj je konstatovao da od predložena četiri člana za Nadzorni odbor, samo jedan nije načelnik, te je naglasio da bi Nadzorni odbor trebali činiti načelnici.

**Predsjedništvo Saveza je usvojilo prijedlog da članove Nadzornog odbora čine: Armin Halitović, predsjednik, Đemal Memagić, član i Mladen Mišurić Ramljak, član.**

**Predsjedništvo Saveza je prihvatilo prijedloge odluka o imenovanjima članova organa i tijela Saveza općina i gradova Federacije Bosne i Hercegovine, a koje čine sastavni dio Zapisnika.**

Vesna Travljanin je postavila pitanje da li da se pitanje naplate članarina stavi na Dnevni red Skupštine.

Sead Džafić se javio za riječ navodeći da se članarina svakako treba plaćati. Istakao je da je potrebno da uozbiljimo situaciju, te da natjeramo one koji odlučuju da provode odluke koje se usvajaju na lokalnom nivou.

Smiljan Vidić je naglasio da se svi slažu oko toga i da se to može ostaviti za tačku razno.

### **3. Tužba Saveza općina i gradova Federacije BiH protiv Federacije BiH**

Nedim Memić je napomenuo da je Savez općina i gradova Federacije BiH podigao tužbu protiv Federacije BiH zbog otplate kredita prema Međunarodnom monetarnom fondu. Naveo je da je prethodni advokat otkazao punomoć za zastupanje Savezu i da je angažovan drugi advokat i on, kao konsultant. Naglasio je da je njegovo stručno mišljenje na početku bilo veoma negativno iz razloga što je u tužbi pogrešno navedeno da je sporan član 21. Zakona o sistemu indirektnog oporezivanja BiH. Nedim Memić je izvijestio da je u daljem radu na predmetu došao do određenih novih elemenata. Istakao je da se tužba mora pozvati na Zakon o dugu, zaduživanju i garancijama u Federaciji BiH koji propisuje da svako vraća svoj dug, a da se Zakon o sistemu indirektnog oporezivanja u BiH ne treba tretirati tužbenim zahtjevom. Istakao je da mu je potrebno da još radi na tom dijelu, te naglasio da smatra da se na ovaj način može dobiti sudski spor. Naglasio je da se kroz postupak mora dokazivati nastanak izmakle koristi u smislu da jedinice lokalne samouprave nisu uspjele realizovati određene projekte zbog manjka sredstava u budžetima po osnovu indirektnih poreza, a zbog toga što učestvuju u otplati duga prema Međunarodnom monetarnom fondu.

Ljubo Grizelj je istakao da je bolje da povučemo tužbu ako smatramo da su nam šanse za dobivanje spora manje od 50%, te ako se raspodjela indirektnih poreza vrši u skladu sa zakonom.

Nedim Memić je konstatovao da je i on imao takvo mišljenje na prošloj sjednici Predsjedništva, ali da ga je sada promijenio nakon što je došao do novih informacija. Istakao je da je odluka o povlačenju tužbe svakako na članovima Predsjedništva.

Ljubo Grizelj je istakao da nije bio na prošloj sjednici Predsjedništva, ali da trebamo realno procijeniti situaciju.

Zikrija Duraković je naveo da je nalaz konsultanta bio jasan i konkretan. Iznio je bojazan da ćemo, dugoročno gledano, iz tužbe izaći slabiji ako je izgubimo. Istakao je da smatra da su šanse za dobijanje ovog spora male, te da ćemo imati sudske troškove.

Nedim Memić je ponovio da sada imamo bolju situaciju u pogledu elemenata tužbenog zahtjeva.

Ljubo Grizelj je naveo da su načelnici takođe i političari i da se mora voditi računa i o tome. Istakao je da je samo utužen dio koji se odnosi na kredit prema Međunarodnom monetarnom fondu.

Ivan Vukadin je naveo da smatra da je Predsjedništvo malo neozbiljno jer se sada razgovara o povlačenju od tužbe, a još nije održano ni pripremno ročište. Smatra da se treba nastaviti dalje sa ovim aktivnostima. Istakao je da, čisto politički gledano, nije svejedno kada lokalne zajednice tuže Federaciju BiH. Zahvalio se konsultantu na korektnom mišljenju.

Nedim Memić je naglasio da sada imamo jaču tužbu što znači bolju poziciju i za eventualnu nagodbu sa tuženom stranom.

Ivan Vukadin je naveo da nisu u pitanju neki preveliki troškovi sudskog postupka za članice Saveza.

Smiljan Vidić je naglasio da, sve i da smo sigurni da nema ništa od tužbe, nije korektno da ovaj saziv Predsjedništva na svojoj posljednjoj sjednici o tome odlučuje, i da to pitanje treba ostaviti novom sazivu Predsjedništva.

**Predsjedništvo Saveza je zaključilo da se nastavi sa aktivnostima u postupku po tužbi Saveza općina i gradova Federacije BiH protiv Federacije BiH.**

#### **4. Nacrt Zakona o izmjeni Zakona o matičnim knjigama**

Selma Fišek je informisala Predsjedništvo da je Federalno ministarstvo unutrašnjih poslova Savezu dostavilo na mišljenje Nacrt zakona o izmjeni Zakona o matičnim knjigama kojim se propisuje brisanje člana 72a. u Zakonu o matičnim knjigama („Službene novine Federacije BiH“ br. 37/12 i 80/14). Naglasila je da je član 72a. propisao uvećanje osnovne plate za matičare i druga lica koja rade na poslovima vođenja matičnih knjiga za 10% - 20%. Napomenula je da je Ustavni sud Federacije BiH donio Presudu kojom je utvrđeno da je članom 72a. Zakona o matičnim knjigama povrijeđeno pravo na lokalnu samoupravu općine Maglaj, te da je još nekoliko jedinica lokalne samouprave podnijelo iste zahtjeve za zaštitu prava na lokalnu samoupravu pred Ustavnim sudom Federacije BiH, tako da predložene izmjene Zakona o matičnim knjigama znače usklađivanje ovog Zakona sa Presudom Ustavnog suda Federacije BiH („Službene novine Federacije BiH“ broj 96/16).

**Predsjedništvo Saveza je jednoglasno podržalo predloženi Nacrt zakona o izmjeni Zakona o matičnim knjigama.**

Nakon konstatacije da su sve tačke dnevnog reda iscrpljene, Smiljan Vidić je zatvorio Sedamnaestu sjednicu Predsjedništva Saveza u 17 sati i 20 minuta.

Zapisnik sačinila:  
Selma Fišek

Predsjedavajući sjednice Predsjedništva Skupštine Saveza  
Dr. Smiljan Vidić, s.r.